



შატრი სსოპრება

სათეატრო სალიტერ. ჟურნალი

№ 17—1917 წლის ფილიწალი მესუთე
კვირა აპრილის 23 15 კ. გამოცემისა

?!.



დეპუტატი კარლო ჩხეიძე.

მუშათა და ჯარისკაცთა დეპუტატების აღმასრულებელ
საბჭოს თავმჯდომარე ბალტიის ზღვაოსანთ სიტყვათ
ეუწება. (ბოჩკაზე დგას)

1
რად მიკლავ, ძმობილო,
გრძნობას და გულს;
რად მიხზობ, რად მისპობ
ზნესა და სჯულს?!

2
თუ შენთვის თხოულობ
უფლებას სრულს,
ჩემსას რად უწოდებ
განზრახვას მტრულს?!

3
თუ შენი მონობა
გძულდა და გძულს,
სხვას რაღად იმონებ,—
რად ართმევ სულს?!

4
ნუ მიკლავ, ძმობილო,
სულსა და გულს;
ნუ მასმევ საწამლავს
ჩაფობით სმულს...

მოქალაქენო! მხარი მიეცით
 ახალ მთავრობას ჭ ზ უ რ გ ი გაუმაგრეთ.
 გაუმაძღვოს დამფუძნებელ კრებას!

ა მ ხ ა ნ ა გ ე ბ ო !

დამფუძნებელ კრებას უნდა მოსთხოვოთ
 საქართველოს ტერიტორიალური ავტონომია!

აპრილის 23

ერთი მიზანი — მრავალი ხელი — საქართველოში მომქმედ პოლიტიკურ პარტიებს ანუ რომელსაშემ საგანმანათლებლო დაწესებულებას ქართველი ხალხის გათვითცნობიერებისათვის იმდენი არავის გაუკეთებია, რაოდენიც ქართველ თეატრსა და მის ქურუმს.

მიუხედავად ამისა, არც ერთი პარტია, არც ერთი დაწესებულება ისე აბუჩად აღებულნი არ არის, როგორც ჩვენი სამშობლო სცენა და მისი ქურუმი.

ვინ არ გინდა დაირაზმა, თვის ხელობის შესაბამისი კავშირი შეადგინა, რომ საბრძოლველად თვალხილულ და საგრძნობ ძალას წარმოადგენდეს, ქართველი მსახიობი კი დღესაც მოუხარწავ ლობიოსავით დატივტივებს ძაძით მოსილ სამშობლოს ცის ქვეშეთ.

ჩვენი მელპომენე რო მუდამ ეროვნულ-დემოკრატიულ და საკაცობრიო მისწრაფებათა გაღვივებას ემსახურებოდა, ეს ვინ არ იცის.

მაგრამ მის მოღვაწეობას რო მთლიანობა, გარკვეული სახეობა აკლდა, არც ესა სემკვო.

თვით მსახიობთა შემადგენლობის ზოგიერთი წევრიც ნებსით თუ უნებლიეთ რო მუდამ ღირსეულ დონეზე არ იდგა, სწორედ ვერ აკეთებდა, რაიცა ევალებოდა, რომ იგი ხშირად სხვისი ხელშემატქერალი იყო და ბოლოს ისე ჩამოქვეითდა, რომ ცხოვრება სამადლოდ გაუხდა, არც ესაა დაფარული.

ასეთი მდგი მარეობა კი არ შეეფერება

იმ მაღალ კურთხეულ წმინდა ხელოვნების ტაძარს როგორიც თეატრია.

ამ საგანზე არა ერთხელ გვისაუბრია ჩვენ; სრულიად საქართველოს სცენის მოღვაწეთა ყრილობაზედაც გადასწყდა დაარსებულიყო მსახიობთა პროფესიონალური კავშირი, მაგრამ ეს აზრი დღემდე განუხორციელებელია.

დღეს კი ჩვენის სცენის ზოგიერთ ნაამგდარ მოღვაწეთა თაოსნობი ამ მოკლე ხანში მიწვეულ იქმნება ქართველ მსახიობთა საზოგადო ყრილობა პროფესიონალურ კავშირის შესადგენად. ამ კრებამ უნდა ნათელჰყოს რადენად დავაუკაცებულია ქართველი სცენის ქურუმი და შეუძლიან თუ არა თავის თავის გაძლოა. ყოველი ქართველი მსახიობი აწ უნდა წარმოსდგეს ნამდვილ მოქალაქე-მოღვაწედ და გაამართლოს ის იმედები, რასაც მათზე დღემდე ამყარებდა ჩვენი სასცენო ხელოვნების მოტრფიალე ანუ დღეის შემდგმ უნდა მოელოდეს მისგან. ქართველ მსახიობთა კავშირმა ერთი მტკიცე მიზანი უნდა დაისახოს — საკუთარ მდგომარეობის გაუმჯობესებასთან ერთად ხელოვნების უმწიკველოდ დაცვა-გაფურჩქენისა და მრავალ ხელთა შეკავშირებით. ჩვენის სამშობლოს ყოველ კუთხეში წმინდა ხელოვნებისა ლამპრის ანთება ხალხის ასამაღლებლად და გასაფაქიზებლად.

იოხებ იმედაშვილი



რვა საათის სამუშაო დღე

რა არის რვა საათის სამუშაო დღე? მუშის პირადი თავისუფლება.

როგორც ყოველგვარ თავისუფლებას, ისე ამას მეტად დიდი მნიშვნელობა აქვს მუშა ხალხისათვის.

რვა საათის სამუშაო დღე ეხება მუშის ჯანმრთელობას, შრომის ნაყოფიერებას, განვითარებას, ცხოვრებას და საერთოდ წარმოების გაუმჯობესებას.

ადამიანი არის მანქანა, რომელსაც დაუსვენებლად მუშაობა და შრომა არ შეუძლია. თუ ის მუშაობს იმდენს, რამდენს ატანაც მას არ ძალუძს და ამის გამო მუდამ იქანცება, ჯანმრთელობას ნელანელა ძირი ეთხრება და სიცოცხლე მოაკლდება. დღეს უკვე საკმაო მასალაა იმის დასამტკიცებლად, რომ რაც მეტს მუშაობს მუშა ხალხი, მით უფრო ნაკლებსა ცოცხლობს.

ზედმეტი მუშაობა სხეულს ასუსტებს, აუძლურებს. უძლურ დასუსტებულ მამას კი ხშირათ ებადება სნეული, სუსტი შვილი, რომლის დღეც მეტად მოკლეა.

ამიტომ ზედმეტი შრომა მარტო მშრომელის დღეს კი არ ამოკლებს, ის ასუსტებს მშრომელის შთამომავლობასაც და ამით ხელს უწყობს მუშა ხალხის გადაშენებას.

ყოველი შრომა მხოლოდ მაშინ არის ნაყოფიერი, როდესაც ის არის ხალხისანი. შრომა რომ ხალხისანი იყოს, საჭიროა, რომ ის არა ჰქანცავდეს მშრომელს. მშრომელი რომ არ იქანცებოდეს, საჭიროა, რომ ის მუშაობდეს ზომიერათ. შედარებით ზომიერ სამუშაო დროს შეადგენს რვა საათი.

მუშა არის ადამიანი და მასა აქვს ადამიანის ყველა ნოთხოვნილებანი. ამ ნოთხოვნილებებს დაკმაყოფილება ესაჭიროება, — ამას ითხოვს სულიერი კმაყოფილება, სულიერი სიხალისე. სულიერი კმაყოფილება და სიხალისე კი საჭიროა ადამიანის ბედნიერებისათვის კი არა მარტო, არამედ შრომის ნაყოფიერებისათვისიც.

მუშისათვის საჭიროა გართობა, დროს გატარება, თეატრი.

ყველა ამას უნდა თავისუფალი დრო.

თუ მუშის დრო მუშაობაში იხარჯება, მრავალი ნოთხოვნილებანი მუშის დაუკმაყოფილებელი რჩება. სულიერი სიმტკიცე და სიხალისე მუშას ელევად და მისი შრომის ნაყოფიერებაც საკმაოთ კლებულობს.

უბედური ადამიანი, რომლისთვისაც შრომა სატანჯველათ გადაქცეულა, — აი რას წარმოადგენს ამგვარ შემთხვევაში მუშა.

მუშა არის წვერი იმ კლასისა, რომელსაც ისტორიამ არგუნა დიდი როლი — ბურჟუაზიულ ურთიერთობაში დემოკრატიული წყობილების მოპოება და შემდეგ სოციალიზმის დამყარება. რაც უნდა შეუგნებელი იყოს მუშა, ის მაინც თავისი მდგომარეობით სოციალისტია და ამიტომ თვალდახუჭულიც ამ მიზნისაკენ მიისწრაფვის; მაგრამ ეს იმას არ ნიშნავს, რომ განვითარებას მუშამ არ უნდა შიქციოს ყურადღება.

განვითარება მუშისათვის იმდენადვე არის საჭირო, რამდენათაც პური. განვითარებული, შეგნებული მუშა უფრო მტკიცედ აწარმოებს კლასობრივ ბრძოლას, კლასობრივ პოლიტიკას და მისი მოტყუება შეუძლებელია. განვითარებული, შეგნებული მუშა უფრო მტკიცეთ იცავს თავის პოზიციას, რადგანაც მას ნათლად აქვს გათვალისწინებული თვისი ახლობელი და შორეული მიზანი.

თვითგანვითარებისათვის საჭიროა თავისუფალი დრო, რაც მხოლოდ იმ შემთხვევაში რჩება მუშას, თუ მან რვა საათზე მეტი არ იმუშავა. ყოველი სხეული ითხოვს დასვენებას მუშაობის შემდეგ და მთელი აგებულება კი ძილს. უამისოთ შეუძლებელია არა თუ ნაყოფიერი მუშაობა, სიცოცხლეც.

როდესაც სამუშაო დრო რვა საათით არის განსაზღვრული, მაშინ მუშას საკმაო დრო რჩება დასვენებისათვის, თვითგანვითარებისათვის, გართობისათვის და ძილისათვის.

როდესაც სამუშაო დრო დიდია, მაშინ მუშის დამჭირავებელი ანუ კაპიტალისტი ნაკლებათა ზრუნავს წარმოების ტექნიკის გაუმჯობესებისათვის. ამგვარი გაუმჯობესება ითხოვს საკმაო ხარჯს. თუ მუშა იმდენსა მუშაობს, რომ ტექნიკის ნაკლს სამუშაო დღის სიგრძე ჰფარავს, კაპიტალისტი ხარჯს ერიდება და ამჯობინებს, მუშა ზედ მეტათ ამუშაოს.

ამგვარი შრომა მართალია მუშას სიცოცხლეს უმოკლებს, მაგრამ ეს კაპიტალისტს არ აღარდებს: ბაზარზე მუშა ბევრია და რაც უნდა მოკლე იყოს მისი სიცოცხლე, მუშა მაინც არ მოაკლდება.

როდესაც წარმოების ტენიკა განუვითარებელია, სამუშაო დროს შემოკლება, ხელფასის მომატება, მუშათა დაზღვევა და საერთოდ მუშის მდგომარეობისა და ცხოვრების გაუმჯობესება ძნელი მოსაპოვებელი ხდება.

რაკი მუშა მოიპოვებს რვა საათის სამუშაო დროს, კაპიტალისტი შიშობს, მოგება არ დამაკლდესო და ამიტომ ის იძულებულია, საწარმოვო ტენიკას მიაქციოს მეტი ყურადღება და მისი გაუმჯობესებისათვის იზრუნოს. ყოველივე ეს იწვევს წარმოების ზრდას, წარმოების ზრდა კი ხელს უწყობს მუშა ხალხის ნაყოფიერ ბრძოლას თვისი ცხოვრების გაუმჯობესებისათვის.

ჩვეულებრივი დრო რომ იყოს, წარმოების ყველა დარგში შეიძლება დღესვე რვა საათის სამუშაო დროს შემოღება. მაგრამ ომი ითხოვს დიდ, აუტანელ შრომას და ამიტომ წარმოების ყველა იმ დარგებში, რომლებსაც პირდაპირი დამოკიდებულება აქვთ ომთან, რვა საათით განსაზღვრა მუშაობისა, დღეს შეუძლებელია.

რამდენი ყუმბარაა ყოველ დღე ბრძოლის ველზე საჭირო დღეს? რაც მეტი იქნება, მით უკეთესია, — განსაღვრა შეუძლებელია.

ამიტომაც ამ გვარ დარგებში სამუშაო დროს განსაზღვრაც შეუძლებელია.

არა თუ რვა საათი, შეიძლება თექვსმეტი საათის მუშაობაც დასჭირდეს ზოგჯერ მუშას, მაგრამ ასეთია ძალა ომისა, რასაც ომის დაბოლოებამდე უნდა დავემორჩილოთ.

ყველა დანარჩენ დარგებში რვა საათის სამუშაო დღე დაუყოვნებლივ უნდა განხორციელდეს, რასაკვირველია, ძალმომრეობით კი არა, არამედ შეთანხმებითა და მუშათა დებუტატების საბჭოს დახმარებით.

მუშები დღესვე უნდა შეკავშირდნენ ამ ლოზუნგის გარშემო და არ უცადონ დამფუძნებელ კრებას.

დამფუძნებელმა კრებამ მხოლოდ უნდა

დაადასტუროს და დააკანონოს მუშების მიერ უკვე მოპოებული გამარჯვება.

ამგვართ დღესვე რვა საათის სამუშაო დღე წარმოების ყველა დარგში, სადაც კი ბრძოლის ველისათვის არა მზადდებარა.

ი. კ. მთელი

ჩემი სამშობლო

1

საქართველოა ჩემი სამშობლო და ჩემი რწმენის წმინდა ტაძარი, სად იშვა შოთა სულ სხივოსანი, სად დაიბადა დიდი თამარი...

2

საქართველოა დიდი მშობელი, რომელმაც მზარდა და გამაჩინა, იქ ალაზანმა ამოხშიანმა მე მიგალობა ტკბილი ნანინა...

3

იქ მე სიცოცხლის შევსვი ნექტარი, იქ მე ოცნების შევისხი ფრთები; მისთვის ვსულდგმულობ და თუ მოგვედები იმის კალთაზე დავიმარხები.

კ. ძიძაძე.



მთხრობა.

წყნარი და შემხუთავი მაისის დამე ჩამოწვა დედა-მიწაზე. მდინარიდან გრილმა ნიავმა დაჰბერა. ბაღში ლამაზი ხმით უსტვენდა ბუღბუღი, რომლის მომჯადოვებელი ხმა ძალა-უნებლიეთ იპყრობდა ყურთა-სმენას. ბნელ, უმთვარო ცაზე, აქა იქ, შორს აკიანთდა რამოდენიმე ვარსკვლავი.

პატარა სოფელი, რომელიც გორაკზე იყო გაშლილი, მიყუჩდა, დაიძინა. შრომაში გატარებულმა დღემ დაჰქანცა გლეხობა და ჯან-სალ, მაგარ ძილს მისცემოდნენ ისინი. მხოლოდ აქა იქ ფანჯრებში მოსჩანდა სინათლე, რომელიც შორს გზაზე ჰფანტავდა თავის შუქებს. მყუდროება სუფევდა მთელ სოფელში. მოდარაჯე ძაღლების ყეფაც კი არ არღვევდა ამ მყუდროებას.

ფერდობზე, პატარა მდინარესთან, გზის

პირას, ბებერი ხის ძირში იდგა ერთი ძველი ქოხი, ნახევრად დაქანებული, რომელშიაც ცხოვრობდა ღარიბი დედა-კაცი ხუთის წვრილ-შვილით. ომის დაწყებისთანავე მან გაისტუმრა თავის ქმარი ომში და მას შემდეგ ნინას თვალზე ცრემლები არ შემორობია; სასოწარ-კვეთილებამ, მუდამ შიშმა და გაქირვებამ უდროით დააბერა ახალ-გაზრდა ჯან-ღონით სავსე, მომუშავე და ნხიარული ქალი. ერთი წლის შემდეგ ის სრულიად გამოიცვალა: გახდა, დაიხაგრა და ხმა-ამოუღებლად იტანდა ტანჯვას და მწუხარებას. ბრწყინვალე იმედი, რომ ქმარი ოდესმე დაბრუნდებოდა, მათი მდგომარეობა ისევ გამოკეთდებოდა და ისევ ძველებურად, კარგათ იცხოვრებდნენ, არასოდეს არ უმაგრებდა გაციებულს და დახშულს გულს საბრალო ნინოს. ოჯახში მას მომხმარებ არავინა ჰყვანდა, უფროსი ვაჟი მხოლოდ ცხრა წლისა იყო. სულ უმცროსი კი აკვანში იწვა და დიდი ხანია სიკვდილს ებრძოდა, რაღაც გამოურკვეველ სნეულებით.

ნინოს ოჯახის სიმდიდრე არასოდეს არ უნახავს, მაგრამ ცხოვრობდა, როგორც იტყვიან, უნაკლულოთ. შვილები მუდამ მაძღრები და თბილად ჩაცმულები ჰყვანდა, თითონაც უქმ დღეებზე მოხდენილად და თავ-მომწონეთ გამოდიოდა, არა ნაკლებ თავის მეზობელ ქალებზე. მაგრამ ქმრის წასვლის შემდეგ, უბედურება ერთი მეორეზე დაატყდა თავს დაობლებულ ოჯახს: ცხენი წაართვეს, ძროხა მოუკვდა, ხბო დაეკარგა, წიწილები ყველა თხუნელამ შეუქამა. შემომტანი ოჯახში არავინა ჰყავდა და ხარალი მძიმე ტვირთად აწევებოდა საბრალო ქალს. სიღარიბე ნახევრად ჩამოგრეულ ქოხის ყოველი ქურტუმალიდან მოსჩანდა და მომავალში სიმშლის შიში თავზარსა სცემდა მას. ბავშვები უკანასკნელ ლუქმას სჭამდნენ და თან სტიროდნენ, რომ ისინი ნახევრად მშივრები არიან.

მძიმე და აუტანელი დრო იყო საბრალო ნინოსათვის ეს დრო. პატარა, აკვანში მწოლიარე, დღით-დღე სანთელივით დნებოდა დედის თვალ-წინ. სრულიად დამქვანარი და გაყვითლებული, ის ძლივს-და იღებდა ხმას, ჭუჭყიან ძონძებში გახვეული. ნინო მას აღარ

არწევდა, ნანას აღარ უმღეროდა, მთელი საათობით დაშტერებოდა აკვანს და ცხარე ცრემლებს აყრიდა გულზე საბრალო ბაღს. ღრმა მწუხარებით, თვალზე მოუშორებლად დაშტერებოდა ის მომაკვდავ შვილს და უძლური იყო შეეძლებუქებინა რაიმე მისი უმანკო ტანჯვა.

იმ დამეს ნინო არ დაწოლილა და სინათლაც არ ჩაუქვრია. პირქუში, ბნელი დამე მისჩერებოდა მას ფანჯრიდან. შემზარავი სიჩუმე იყო გარეთ. ქოხშიაც აგეთივე სიჩუმე სუფევდა, მხოლოდ ხან და ხან თავი გაიჩაჩუნებდა სადმე კუთხეში და რომელიმე ბავშვის წამოტირილი თუ არღვევდა ამ სამარისებურ სიმშვიდეს. ნინომ ტირილს თავი ანება. რაღაცნაირმა გულ გრილობამ მოიკო იმის არსება. ის იჯდა სრულიად მოშვებული და გაშტერებით მისჩერებოდა ფანჯარაში დამის სიბნელეს. დაფანტული აზრები ერთი მეორეს სცვლიდნენ სისწრაფით და მისცურავდნენ საღდაც შორს: „—რა ექნა? აი, მე აქ ვზივარ ეხლა... როგორ უნდა ვიყო?... დავიხოცებით... ყველანი დავიხოცებით... სახარლო აღარა გვაქვს... ისიც არსადა სჩანს... ჰგავს მოკლულა... ეჰ—რა ექნა... დეე... სულ ერთია... ჩემთვის სულ ერთია... დეე!..

ამ დროს ფნჯარის ძველ ჩარჩოზე მოისმა ბრთხილი და ხან-გრძლივი კაკუნი.

ნინო შეკრთა. წამოაწია და გაიხდა ფანჯარაში. იქ მოსჩანდა ვიღაც მაღალი კაცის აჩრდილი.

— ვინა ხარ? შემოდი, კარები დაკეტილი არ არის— უთხრა მან გულგრილად და ისევე ჩაეკეცა თავის ადგილზე.

ქის-კარი გაიღო და წაღების ბრახუნი მოისმა დერეფანში. ქოხის კარები აქრიალდა. და შიგ გამოჩნდა გამხდარი, მაღალი ტანის ჯარის კაცი.

რაღაც ძალამ და ტკივილმა აატოკა ნინოს გული. ის მიეყუდა კედელს და გაქვავებული, გაფითრებული მიშტერებოდა ახლად შემოსულს: ჯარის კაციც ერთხან გაშტერებული უყურებდა ნინოს მწარე, საცოდავი ღიმილით.

— ვინ არის ეს? ღმერთო! ვინა ხარ?— კვნესით წამოიძახა ბოლოს ნინომ.

კაცი საჩქაროთ მიიქრა მასთან და მოწყვეტილი ჩაესვენა ქალის გვერდით ტახტზე. მან მოუქპირა თავის ათროლოებული და ცივი ხელი ნინოს გაციებულ ხელებს და კანკალით წარმოსთქვა:

— ეს შე ვარ, ნინო! ველარ მიცანი, ჩემო სიცოცხლე?

— ვასილი, ღმერთო! როგორ? ეს შენა ხარ?— შესძახა ქალმა და ტირილით ჩაეკვრა მას გულში.

ხმაურობაზე შეშინებულ ბავშვებს გამოეღვიძათ, აკვანში საცოდვავათ დაიქანავლა მომაკვდავმა ბაღმა,

— თედულო!— დაიძახა ვასილმა და მიიბრინა აკვანთან.

— მიკვდება ჩემი თედულო! აი, აქ ვიჯექი და ვდარაჯობდი ამის სიკვდილს!

ცრემლებით ეუბნებოდა ნინო და ბარბაციოთ, თითქოს მთვრალი, მიუახლოვდა აკვანს. მუნჯის, უზომო მწუხარებით აღსავსენი ორივე ცოლქმარი დაეყუდნენ აკვანს და მღუღარე ცრემლებს აფრქვევდნენ მომაკვდავ შვილს გულზე. ლოგინიდან ჩამოვიდნენ ბავშვები და ტირილით შემოეხვივნენ მამას, თითქოს მიგან მოითხოვდნენ მოფერებას და დახმარებას. მწარეთ აუტოკდა ნატკენი გული საბრალო მხედარს, როდესაც დანახა ძონძებში გახვეული, გამხდარი და გაფითრებული შვილები, მოქანცული და ჯავრისაგან მიმქრალი ცოლი და მთელი სილატაკე ნახევრად დანგრეულ ქოხისა.

— მოითმინეთ, ჩემო შვილებო, ნუ სტირით.. ყველაფერი გამოკეთდება... ისევ კარგათ ვიცხოვრებთ.— ისე, როგორც წინათ... შე ვიშუშავებ... ვიშრომებ... ნუ სტირით,...— ანუგეშებდა სახლობას ვასილი და სცდილობდა შეეკავებინა ყელში მობჯენილი ბოღმა და ცრემლები.

ბავშვები მიყუჩდნენ და მიშტერებოდნენ მამას, რომელიც თითქმის ვერც კი იცნეს. ნინოს უნდოდა რაღაცა ეთქვა ქმრისათვის, მაგრამ უეცრად გაშტერდა და უძრავად, გამოუთქმელის შიშით მიატკერდა მას. მან მხოლოდ ეხლა შეამჩნია, რომ მარცხენა ხელის სახელო ცარიელი, თავისუფლად ქანაობდა.

— არაფერია, ნინო! ნუ გეშინია, ჩემო

კარგო... მაგივრად მარჯვენა ხელი ხომ შემრჩა... და ეს ხომ უმთავრესია... სახლში მე ყველაფერს გავაკეთებ.— ომში ეხლა აღარ წამიყვანენ არასოდეს. შე შეიმძლია მუშაობა... შენ ნუ გეშინიან...

ცდილობდა ენუგეშებინა ცოლი ვასილს, რომელიც უნუგეშოდ აფრქვევდა ცრემლებს. ის დიდ ხანს სტიროდა, სტიროდ, მთელი ღამე გათენებამდის და ამ ცრემლებში დაიდნო, დაილია მწარე უღელი ნინოს სულისა. შესამჩნევად გაეკურნა აუტანელი, დიდი ხნის ტკივილი. მიყუჩდა, შეუტრიგდა, მოისვენა სნეულმა სულმა.

ეფ. მესხი

ბეჭდი რეკულისდან

ნეტავი შენ პაწაწინავ
ველის ბიჭო წვიგ-შიშველო,
ქესკინია მეჭაკუნავ,
შენ უმანკო, უზრუნველო.
მოედები ტყე-გორებსა,
დაკვინტრიშებ ვითა შველი;
მზის სხივისგან გარუჯულო
შენ გეკუთვნის მთა და ველი.
შენ ერთ წამსაც არ დაცხრები,
გზრდის სიცელქე დაუწყნარი,
ცისკრის უმალ შენ ასდგები,
ისმის შენი სოლინარი.

—
უცხო ჰანგზე კრიმანქულობ,
სხვას არ ნაღვლობ რაა ვალი,
აწმყოს შეტრფი აღტაცებით,
გიხარია მომავალი.
შენ არა გრძობ მამის უღელს,
ერის დამცემ დამჩავგრელსა;
ნატრებ ზღაპრულ სიყარბებს,
შენ აღამებ მინდვრად ღღესა.
ნეტავი შენ, მთების ბიჭო,
წინწინ გატკობს ცისკრის ზარი;
ნეტავი შენ, რომ არ გესმის
რას კენესს შენი სოლინარი!..

კ. ე-ვი

Handwritten signature and notes at the bottom right of the page.

საუბარი მეგობართან

(პეტროგრადიდან.)

ომის დმერთმა არც მე გამომტოვას და უდროვად მომამოხრა ჩემი ძვირფასი ძამიკო და ამავე დროს-ამხანაგით. იგი მოჭკლეს განსულ წელს მამისში ავსტრიის ფრანტზე. უკანასკნელად ჩემი ძმა მწერდა: „აქედან ჩემი დაბრუნება მხოლოდ სანაწილს შეუძლიან და სანაწილი კი, მე არა მრწამსო. სიკვდილს სრულებით არ ვინანობ, აქ მას-შეგვიჩვიე უკვე, მხოლოდ სამწუხაროდ ის მრჩება, ჩემს საყვარელ სამშობლოში ჩემს ძვირფას-დედიკასთან ახლოს არ ვკვდებიო“.

სოციალისტობა და სოციალიზმი, რომელიც მე და შენ ლადიძის ქარხანაში შევითვისეთ, სამჯალითო და ღამაში რამ არის, და გიჟი იქნება, რომ იდეურად ვიმნიემ უაროს ეს კეთილშობილური მოძღვრება, მაგრამ სამწუხაროდ ამ მოძღვრების განხორციელება ჯერ შორსაა.

შენი ამბავი, რომ ვინც გაგაგვირგებს ჩემი ასეთი შეხედულება სოციალიზმზე და შეიფლება ამით ჩემი შეგობრება უარო, მაგრამ რა გაეწეობა, თუ ჩემმა დაგვირგებამ და გამოცდილებამ ცხოვრებაში ასეთ შეხედულებას დაამახლოვებ.

პირველად სოციალისტებზე ისეთი შეხედულების ვიყავი, რომ არ შეგონა, თუ ერთი მათგანიც ომის მომხრე და გამამართლებელი იქნებოდა, მაგრამ დღეს, როგორც ვხედავთ, უველანი ყოველგან მთავრებისთან ხელი-ხელ ჩაკიდებულინი გაიძახიან: „ომი ბოლომდისო“.

წინეთ თუ უველან ქვეყნის პრელეტარებს მოუწოდებდნენ შესაერთებლად-ძიმბა-ერთობის დასამყარებლად, დღეს ერთი მეორის განსუფლად და განსანადგურებლად მოუწოდებენ. წინად თუ გაიძახოდნენ პრელეტარს სამშობლო არა აქვსო, დღეს ამავე სამშობლოსთვის ათასობით და ათი ათასობით იგივე პრელეტარები სიცოცხლეს სწირავენ.

რისთვის, რატომ?! დიას, ასეთი კითხვები მუდამ თავს დამტრიალებს.

რუსეთში ამ უმად დებ. ჩხენკელზე და ჩხეიძეზე უფრო ბევრს ღამრაკობენ ვინემ თავიანთ რუს დებუტატებზე, თუ არ მივიღებთ მხედველობაში დებ. კერენსკის.

ქართველი დებუტატები უფრო გაბედულად

და სისწორით ღამრაკობენ რუსეთის შინაურ ცხოვრების მოუწისრიტებობაზე, ვინემ თვით რუსი დებუტატები.

ამის წინად ერთმა სტამბის რუსმა მუშამ მითხრა: თქვენი დებუტატები რუსეთზე ჩვენს ხალხზე და ქვეყანაზე უფრო ბევრს ღამრაკობენ, ვინემ საქართველოზე და ქართველებზეო...“.

სამშობლო რომ შორიდან უფრო საყვარელი ძვირფასი ყოფილა, ამში დარწმუნებული იყავი.

ქართული წირვა-ლოცვა, ქართული საღამო აქ ახლა ხშირია, მხოლოდ უდროობის გამო ყოველთვის ვერ ვესწრები ხოლმე. წარმოდგინე ჩვენში ეკლესიაში წირვის მოსასმენად ქუდი რომ ვინმე შეეგდო, გამოსტანად არ შევიდოდი და აქ დიდი სიხარულით დავესწრები ხოლმე, როცა დრო შემეწყობს ხელს.

სამშობლო საქართველოს გარედ ქართული ცალბობის მოსმენა სასიამოვნოა.

პეტროგრადი ჩინებული და ღამაში ქალაქის ყოველივე მხრით, მაგრამ მე მანც ჩემი ქუთაისი და ოზურგეთი მირჩვენია. რა გვეცდო მე ჩემს სამშობლოს სხვა ქვეყნის სამთხუზედაო.

დიდხანს არ მსურს რუსეთში დარჩენა. ომის გათავებას თუ ვედირსეთ, მალე ვინახავთ. საღამო საყვარელ სამშობლოს.

შენი პრ. ასკანელი

სომხური ჰანგები

უძველესი ჩვენი მუხობლები და ისტორიის თანახმად სომხები არიან. ჩვენ კი დღეს დეობით, ყველაზე ნაკლებ მათ ვიცნობთ, თუმცა ჩვენი მრავალგვარი ინტერესები მოითხოვს, რომ მათ ისე ვიცნობდეთ, როგორც ჩვენს თავს.

საჭიროა ჩვენთვის შევასწავლოთ მათი არა მარტო სოციალური და ეკონომიური ცხოვრება და ისტორია, არამედ მწერლობა და პოეზიაც.

ჩვენში გავრცელებულია აზრი, ვითამცსომხები, როგორც ხალხი, მხოლოდ ვაჭარია, უღბი ადლი და უანთრით შეიარაღებული, დიდთ შემდღარი აზრია.

ამის დამწერს ათი სრული წელიწადი მიცხოვრია სომხეთში ბინადარ სომხებში, ამ დროის განმავ-

ლობაში საქმის გამო ფეხით მომივლია მანძილი დიდ და პატარა ანარატებიდან ალაგებს: შიდა კუთხის მიღწევი და მედიკალინიდან დანაკვირდევ, მიწარმოების ხალხის სტატისტიკური და ეკონომიური აღწერა, შემისწავლია მათი აწმურ ცხოვრება სოფლათ, მიგრაციების ზეპირ თქმულებანი, ანდა-ზეპი, სახალხო ლექსები, გავცნობივარ სომხის ინტელიგენციის დახმარებით მათ ხალ მწერლობას, და დაბეჭდვით შემიძლია ვთქვა, რომ სომხეთში სომხები ისეთივე მშრომელი ხალხია, ანა აგრესიული და ანა შოვინისტი, თავის მიწა-წყლისა და ეროვნების მოყვარული, როგორც უგულა სხვა ცოცხალი ერი ქვეყნიერებაზე.

ეროვნული თავისუფლება, თავისუფალი სომხეთის აღდგენა მთავარი ჭანგია მათის მწერლობისა.

თავდაზირველად ქართველობას გავცნობ მათი პოეზიის საუკეთესო ნიმუშების თარგმანს ალექსანდრე ანარატის, გაბარ ქათბასი, რაფისა და სხვათა ნაწარმოებთაგან.

ილია ჭყონია.

ანის ქალაქი

სომხთ კათოლიკეთა არხიმანდრიტის ალექსანდრე ანარატისათვის.

ანის ქალაქის ნანგრევი ტირის*)
 აღარავინ ჭყავს ნუგეშის მიქმელი...
 ბეგრის ისიც უნდა დიდ ხანს იტიროს,
 ანავინ მისცეს რჩევა გულწრფელი.

ანისი ამბობს: „მრავალ დარდისგან
 ვიწვი, ვიდაგვი, არვინ შეავს სანდო,
 მომიახლოვდეს, მითხრას: „ნუ სტირი!“
 შენდოს და მუცა გული მივანდო.

ას, შემობრალე სომხის ჭაბუკო
 რა დღეში მხედავ არ გებრალეები?
 შეუო ამდენი ტირილი, მარა
 შენ, ამ დღეში შეოფს არ შეკარები...


განვლო ჩემმა დრომ, ვაით, გოდებით,
 ცრემლებმა თვალი სულ მთლად დამივსეს,
 ობლათ ვარ დღეს მე ჩემი წერისგან,
 ბედმა და ეტლმა სულ დამივიწყეს!

დავკარგე ჩემი სამეფო ტახტი,
 გარს მახვევიან ბუ და ჭოტები,

სულ დამძახინა: წახდი ანისო,
 და უპატრონო სულ მთლად გაქრები!
 სომხის ჭაბუკო, ნახვისა უმად
 მიდისარ, მხოლოდ ამბობ ნახვამდი!
 თუ დმერთი გწამდეს არ დამივიწო,
 სანამ მისვიდე ანარატამდი!

უთხარი იმ ჩემს მამაცს ანარატს:
 ანის ქალაქი სულ ტირის, მარა
 მოკლის იმ დღეს, როს შენგან ესმას:
 „ჩემო ანისო, ნუ ტირი: გამარა!“

ილია ჭყონია.



სომხთა მგოსანი

ალექსანდრე წაბურიანი

(გარდაიც. მარტის 31, დაიკრძალა აპრილის 9)

*) დედანში; ანის ქალაქი დამხდარა ტირის

გუშინდელი

კომედია 3 მოქმედებათ შალვადადიანისა
(დასასრული. იხ. „თ. და ც.“ № 16)

გ

კარლო ყაყუტაძე (შეუმჩნევლად შემოდის. გამსმარო სხაღვზდას. ხალათი აცვია, თმომოშვებული აქვს და „ჟოკი“-ს ქუდი ხურავს. შეჩერდება აივნის წინახასთან).

კეკელა. (დაინახავს, შეკრთება) ოჰ, თქვენ ბრძანდებით?

კარლო. უკაცრავათ, ბატონო, მე თქვენნი ვაჟის სანახავათ ვიხელობ.

კეკ. ადიკო არ გახლავთ შინ... მოხმანდით, ბატონო.

კარ. არა, უკაცრავათ, მეჩქარება...

კოწია. ბიჭო ეს ჩვენი ცოციალისტი არაა, კარლო ყაყუტაძე?

პაპ. კი, ბატონო, კარლოა ..

კეკ. (გაწაფს) მაინც რა გნებავდათ?

კარ. ბევრი არაფერი. ეს ორი წელიწადია, რაც ჩემი წიგნები ადიკოს აქვს და... ძალიან მჭირდება. განსაკუთრებით მარქისის „კაპიტალი“. შეირჩინა, შეირჩინა.

კოწია. ბიჭო, კიდევ არ შეიშალე, ი მარქისია თუ რაღაცა, იმის ამბავი?..

კარ. (არ უხასუხებს).

კეკ. დაძმანდით, ბატონო. საცაა ადიკოც მოვა და ყველაფერს ის მოგახსენებს. არც აგრაფენაა ახლა სახლში, თვარა ის მოძებნიდა. მე ხომ იცით რუსულს წიგნებს ვერ გავარჩევ. რომ ჩამევიდა, ადიკომ კი მოთხრა — კარლოსთვის წიგნები არ გადაგიციათო, მაგრამ აბა საიდან... მე არც ვიცოდი რაც წიგნები იყო და მერე კიდევ, თქვენც იმ ხანებში დაგჭირეს... მეც მემინოდა... სადღაც მივმალეთ... თუ გნებავთ, გიჩვენებთ და თვითონ თქვენ გამოსძებნეთ.

კარ. არა, ბატონო... სად იქნება თვითონ ადიკო?

კეკ. რა მოგახსენო? ეკლესიისაკენ თუ გაისივრნა... მოუცადეთ.

კარ. არა, თუ შევხვდი ის იქმნება... თუ არა და ნახვარი საათის შემდეგ კიდევ შემოვივლი...

კეკ. ძალიან კარგი, რაფარც გნებავთ.

კარ. (ვევლას თავს დაუკრავს და გადის).

კოწ. ძალიან არ შეფერხილა ეს ჩვენი ცოციალისტი?

პაპ. მისი ბრალია. რაც მაგას ციხის კედლები ალესინეს...

კოწ. აი დასწყევლოს მაგათი თავი!.. მე ხომ არაფერში არ გავრეულვარ მოძრაობის დროს... მაგრამ მაშინ არ იყო, სამაგალითო მადნის საქმე მქონდა მიხრანიანთან გათავება ბული. მაგათ რომ დაიწყეს!.. რას ლაპარაკობ? აღარც მუშა, აღარც კაცი... ფოდრაჩიკიც გამეჭვა, არც ფული და არც ბისტი..

პაპ. ეეჰ, კარგია შენი ქირიმე...

კოწ. ახლა რა მინდაო, ნეტაი?.. რას აპირებს?.. (შოისმის ფაციას ხმა შინა ოთახებიდან: „რა სულელი ხართ ღმერთო ჩემო!“ უხასუხებს ადიკოს ხმა: „სისულელია, როდესაც სავანს პირდაპირ თავის სახელს უწოდებ?")

პაპ. ეჰე, ადიკო და კნიაჟნა ფაცია მოსულა...

დ

ფაცია (შემოვარბის).

ადიკო (ხელა მოჭეკებს. ისეა მორთული, როგორც კეკელამ აღწერა).

ფაცია ოო, მამაც მობრძანებულა?.. რა ამბავი, ისევე შენი მადნები გაგიშლია?.. გამარჯვება, შენი ქირიმე კეკელა (კოწის) პაპუნას ვახლავართ.

ადიკო. (კოწიას ხელს ჩამოხრთოვებს. შახუნასთან მიდის)

პაპ. ბიჭო, რა დავაჟაკებულხარ... რამდენი ხანია არ მინახავხარ. (ესვება)..

ფაცია. არა, კეკელა, შენი ქირიმე, უკაცრავად ვარ და ძალიან კი გატუტუტებულა თქვენი ადიკო.

კოწია. (ადიკოს) შენ ეი, ჩემო ბიძია! ფრთხილად იყაყა ჩემს ფაციასთან .. მთელი სოფელი ახტაჯანას ტყუილა კი არ უძახის... მოგკლავს, შე უბედურო, დაგცხებს თავში კეტს და. .

ფაცია. ოჰ, რას ამბობ, მამა?

ადიკო. ქართველმა ქალებმა აბა სხვა რა იციან... კეტი, „შამფური და რკინა“, ერთი ახალი ლექსის არ იყოს... მერე? ეს შიშისაგან მოსდით, შიშისაგან. გაუბედვრები არიან, ლაჩრები. თქვენ გგონიათ ეს მიუკარებლობა

გამბედობით მოსდით? ეშინიათ უბედურებს...
ეშინიათ, რომ დასტკბენ ამ ცხოვრებით. გულ-
ში სხვა აქვთ და საქციელით კი ვერ ამხელენ.
აი, ვაჟკაცია ვინმე, მოსწონს ქალს, უნდა მას-
თან შეერთება, მაგრამ...

კეკ. აა, დეიწყო, დეიწყო..

ადიკო. რა დავიწყე?.. აი, კნიაჟნა ფაციას ფიცი მოვწონვარ, უნდა ჩემი მოხვე-
ვნა.

ფაცია. იმდენი თავში კობი შენ... (სი-
ცდი)

კეკ. ჩუმაღ, ბიჭო, ჩუმაღ, რას ჩურჩუ-
ლობ? არ გრცხვენია?

კოწ. არა, ბატონო, ახლა სულ სხვა
ახალგაზღობაა... მაგრამ მაგას (ფაციაზე)
ფურთხილდი კი.

კეკელა. ის სჯობია... წელან აქ კარლო
ყაყუტაძე იყო... წიგნებს გთხოვს.. ის მოუ-
ძებნე..

ადიკო. ოო, ჩვენო კარლო? (თითქო
თავისთავის) აი კაცი, რომელიც ერთ წერ-
ტილზე გაიყინა.

ფაცია. ჰა, ჰა თქვენ კი, თქვენ არ
იყინებით ერთ წერტილზე? სდულთ და თუხ-
თუხებთ, არა?

ადიკო. ვინც ცხოვრებას ფხიზლად
უყურებს, მისი შეხედულებაც იცვლება მიმ-
დინარე ცხოვრების მიხედვით. განათლებულმა
ქვეყანამ უკვე ყურადღება მიაქცია, რომ
დაავადმყოფდა სულიერ სიმშვენიერის ძებნა-
ში... სხეულის სიღამაზე სულ დაავიწყდა და
დაგლახაკდა, მოჩიავდა. აი, ეხლა უკვე იწყე-
ბა განახლების ხანა, ძველო ელინების სხეუ-
ლით გატაცება კულავ გვიბრუნდება. სხეული
უნდა განთავისუფლდეს ამ მჩვრებისაგან და
მზის ცხოველ სხივებზე აელვარდეს მისი მშვე-
ნება...

კეკ იმიტომაც გაშიშვლდი, შე საძა-
გელო?

ადიკო. აბა რასა გავს?.. აი, კნიაჟნა ფა-
ცია... ტანზე კორსეტი შემოუჭირებია. ლა-
ლი და ახალგაზდა სხეული სულ დაუფარავს...

კოწ. არა, ბიძია, პირი არ დავწვას... ძა-
ლიან გინდა გააშიშვლო, მაგრამ...

კეკ. უი, უი, რას ამბობთ, გენაცვალე...
არა, მე ვაგეცლებით, ისევ სამზარეულოს მივ-

ხედავ, თვარა თქვენი ლაყბობის ყურის გდე-
ბა არ გამომადგება. (მიდის, ადიკოს ჩაუარს)
რა თქვა, შვილო, მაგისთანა უხიაგი... რავა
გეკადრება!.. ქალიშვილი ქალია, შერცხვე-
ბა... (გადის)

ფაცია. ძალიან უნდა ჩემი გაწითლება,
მაგრამ უზრდელი სიტყვა-პასუხი უზრდელათ
ღარჩება და მეტი არაფერი...

ადიკო. ეს უზრდელობა კი არა, ნამდ-
ვილი გულის თქმაა, რომელსაც თქვენ მა-
ლავთ და მე კი გარეთ გამომაქვს...

პაპ. ამისთანების არაფერი გამეგება, მა-
გრამ რა დამართნია, ბიჭო!.. რალაც უწმა-
წურათ კი ლაპარაკობ.

ადიკო. ეეჰ, ბიძია... ამას ვერ მიხვდე-
ბი... და აქ ვერც ვერავინ გამოგებს... აი
კნიაჟნას კი ესმის ჩემი ინსტიქტიურათ, მაგ-
რამ განგებ თავს იყრუებს...

ფაცია. მე ვავიბუტე... რაც გინდათ
თქვით... უზრდელობაზე აღარაფერს გიპასუ-
ხებთ. (მიდის და აივნის ხაჩისას გადაეურდ-
ნობა)

კოწია. არა, მართლა გამეცვალა ქვე-
ყანა... (ადიკოს) ჩემო შვილო, აი დედა შენს
რომ ვეარშიყებოდი. კი არ გეხუმრები, სიზმ-
რათ მყავდა გადაქცეული, მაგრამ ცხადში კი
ერთ ვერსზე ვერ გვევკარებოდი... საცა გაჩ-
თებოდა, მეც იქ ვიყავი, მაგრამ უბრალო ხუ-
მრობასაც ვერ ვხედავდი...

ადიკო. ეეჰ, თქვენ რომანტიკოსები იყა-
ვით... (ზურგს შეაქცევს და მიდის ფაციასაკენ)

კოწია. რაო?

ადიკო. ვითომ მაგ გაბუტვით რა გინ-
დათ დამიმტკიცოთ?

ფაცია. მე არაფერს არ გიმტკიცებთ...
სჯობია გადახედოთ სანახაობას. ხედავთ ეგერ
ციხე-ბურჯს?

ადიკო. როგორ არა ვხედავ... ბავშობი-
დან ვარ შეჩვეული მაგის დანახვას. მაგრამ
ახლოს კი უფრო კარგია. გუშინ საღამოსაც
რა მშვენიერი იყო იქ ყოფნა... მაგრამ თქვენ
კი ძალიან გამაჯავრეთ... (განაგძობენ დაზღა
ჯანჯანჯანს)

კოწ. (აქამდე ჰაზუნას ჩუმაღ ეჯანჯანჯებო-
და. სმა-მადლა) აბა, კაცო, კინალამ ჯორმა
ფეხი არ მოიმტერია...

პაპ. ეგ რომელი ზოგირია, ბატონო, ჩა-
ვარდნილი?

კოწ. აი, კაცო, ჩემი ქიშკრის ზევით
რომ არის... სულ დამპალაფიცრები, აღარა-
ფრათ აღარ ვარგა.

პაპ. რას ბრძანებ?

კოწ. ჩაქცეულა სულ. დღეს რომ გამე-
ვიარე გულს შემომეყარა...

პაპ. უბედურებაა, ბატონო, სწორეთ.
აღარ გზა გვივარგა, აღარც მისავალი. სასწა-
ვლებელი ჩვენ არ გვაქ და ეკლესია... სანერ-
გე ბალი გვქონდა და სულ ვაპარტახტა...

კოწ. მართლა, კაცო, რას შერება ეს
შენი ძმისწული, ჩვენი მამასახლისი... აი ნას-
წავლი კაცია, აი ასეო და რომ კინალამ თავი
გადეკალით მაგის არჩევაზე...

პაპ. მაგას ვწუხვარ მეც. კი წვალობს
რაცხას, მაგრამ ჯერ არაფერი გოუვიდა საწ-
ყალს ..

კოწ. კაცო, მამასახლისმა მარტო რა
უნდა ქნას, მაგრამ რამდენჯერ გაუგზავნეთ
დებუტაცია ჩვენი მაზრის უფროსს...

პაპ. უი, დასწყევლის ღმერთი, კაი კა-
ცი ის არ იყო... ვის გოუგონია რამე... ამას
ამბობენ, ახლა რომ დანიშნეს, ძან კაცია
თურმე...

კოწ. ჰოო, აქებენ, მაგრამ არც მე მინა-
ხავს.

პაპ. რა გვარია, ბატონო? კი მითხრა
ჩემმა ძმის წულმა, ვერ დავიხსოვ: ვინცხა
ლემენცია ვგონებ.

კოწ. ჰო, რაცხა გრინგოლიაო, არც მე
ვიცი კარგათ...

პაპ. ჰო და შეიძლება მაგას მაინც შე-
ვასმინოთ რამე,.. ბატონო ე გენერალი რომ
გვყავს ჩენს სოფელში, ის ბერდოსანი, იმას
ბევრი რამე შეუძლია, მაგრამ ჩვენი სოფლის
საქმეებში რომ არ ერევა?

კოწ. იმას იცოცხლე, შოუძლია, მაგრამ
თვითონ დავრდომილია, იქით ვერ წავა და
აქით, ხომ იცი, მთავრობა კარზე არ მოადგება..

პაპ. რა ვიცი, რა ვიცი... ცუდათაა ძა-
ლიან ჩვენი სოფლის საქმე და კაცი არ
გვყავს, ბატონო, მშველელი კაცი... იმდენი
ნასწავლი ახალგაზღობა ჩვენ რომ გვყავს, ერთ
სოფელს არ გააჩნია, მაგრამ რა?.. ჩემი ურ-
გები ქოთანი ქვასაო...

კოწ. და შექიმანდი ძაღლსაო! მართა-
ლია.. მაგრამ ავერ მეიცა, ჩემო პაპუნა, ჩე-
მი მადნის საქმე თუ ისე გაკეთდა, რავარც

მე მინდა, გზასაც მე გამევიყვან, იმ სანერგე
ბალსაც ვუპატრონებ, ეკლესიასაც ავიშენებთ,
სასწავლებელსაც და... ყველაფერი.

პაპ. იი, კაი დაგემართოს... რა? გული
კი არ გაკლია, მაგრამ მანამდი თუ ჩვენ თავს
არ მოუარეთ, შენი მტერი...

კოწ. სად არის ახლა მამასახლისი?

პაპ. ვეზდის ქალაქში წვეიდა ავერ მესა-
მე დღეა.. და არ ვიცი რა შეემთხვა?.. სო-
ფელმა დაავალა იმ სასწავლებლის ამბავი გე-
გო... კიდე რაცხა საქმეები ქონდა...

კოწ. დალოცვილო, სამი დღე თუა, რაც
წვეიდა, ჯერ რაფერ დაბრუნდებოდა.. ვეზ-
დის ქალაქი ხომ იცი რამ სიშორეს გვაქ.
ცხენით ერთი დღე უნდა იქ ჩასვლამდი... და
ჯერ არ უგვიანდება. (განაგრძობენ ღებღა ღა-
ზარაკს)

ადიკო. (ფაცის) მაშ გამოტეხილი მით-
ხარით, რა გინდათ?

ფაცია. ჰა, ჰა!.. რა უნდა უნდოდეს
ახალგაზდა ქალს?.. გათხოვება.

ადიკო. ეგ მომწონს. თამამი ნათქვამია.
სხვა თქვენს ალაგას მაგასაც არ იტყოდა.
ეტყობა ცოტა ნაბიჯი გადაგიდგამთ წინ. მა-
გრამ მაინც გათხოვება გინდათ...

ფაცია. დიად, კანონიერი ჯვარის წერა.
ვიცი მე გმირი არა ვარ და რაც დაწესებუ-
ლია იმას არ შეეცვლი, ვერც შეეცვლი...
ტანჯვა-ჯახირი ცხოვრებაში, მომავალშიაც?..
არა, მეყოფა.

ადიკო. და გახდებით თქვენც ჩვეულებ-
რივი ოჯახის ბურჯი: შეიღები, სამზარეულო,
სარეცხი,.. ღმერთო, ამ ქვეყნად რა მოწყე-
ნილობაა!

ფაცია. რას იზამთ? ბედმა ეს გვარგუნა...
გინდათ უხუმრად გელაპარაკოთ?.. აბა ცო-
ტა ხანს მაინც გამოიჩინეთ სიღარბისლე.

ადიკო. (ამთქნარებს) სთქვით.

ფაცია. ხომ იცით ბავშობაში სიღარი-
ბის გამო მამამ მხოლოდ ეპარქიალურ სასწა-
ვლებელში მიმცა...

ადიკო. მმ... დიად.

ფაცია. იქ საშინელი ხატვის ნიჭი აღ-
მომაჩნდა... მერე რა? საიდან შეიძლებოდა ამ
ჩემ ნიქს გავყოლოდი?.. ჯერ თვით სასწავ-
ლებელშიაც უფრო დაცინებით ეკიდებოდნენ

ჩემს გატაცებას და სხვა აბა ვინ გამამხნევებდა?! ჩავახშე ეს მოფეთქებაც... შემდეგ ქართულმა წარმოდგენებმა გამიტაცა... არც ერთ წარმოდგენას არ ვაკლდებოდი... გულში გადავწყვიტე — თეატრისათვის თავი შემეწირა...

ადიკო. (გამოცოცხლდა) მე თეატრს პატივს არა ვცემ, მაგრამ თქვენ მართლა შეიძლებოდა მსახიობი ქალი გამოსულიყავით... ოო, ეს კი სულ სხვა იქნებოდა...

ფაცია. რასაკვირველია არც ეს მოხდა... მამას ვერ დავემღურებ... საცოდავი, რაც შეეძლო ყველა ჩემს სურვილებს მისრულებდა, მაგრამ, დედა ჩემი... ოო, ძალიან შორს დაიქირა. ჯერ ხეირიანად არც კი ესმის თეატრი რა არის, მაგრამ მაინც, საღაცეა ყური მოუკრავს, გარყენილების ბუდე ჰგონია... მერე კიდევ კნიაჟნა... არა, შევილო, ღარიბები ვართ, ლატაკები, მაგრამ ქვეყნის სამასხაროთ კი არ ვაგხდით... მერე ეს ამბავი ჩვენმა შორეულმა ნათესავმა კნ. ჩიტუნამ გაიგო...

ადიკო. ოო, იმ ბოზობლამ...

ფაცია. და იმან ხომ კინალამ ჯვარზე მიაცვა... და აი ასე დასრულდა ჩემი მოქალაქობრივი მოფეთქება... სხვა? სხვა კი... ჯერ სხვაგან რა ასპარეზი აქვს ქალებს, რომ საქართველოში ჰქონდესთ და მეც... ბედს შევურიგდი... ჰა, ჰა... ეხლა გათხოვება მინდა... მხოლოდ თქვენ კი არა ხართ ჩემი რომანის გმირი.

ადიკო. იცით? თანდათან მომწონხართ... შედარებით მაინც თამამი ხართ, გაბედული...

ფაცია. არა, თუ ღმერთი გწამთ?

ადიკო. აქ სოფელში როგორ გეძახიან? ა, ახტაჯანა!..

ფაცია. (შეხუდავს, სათანადო გაუდიმებს) დიად...

„ვინ რა იცის, რომ ეს გული მკვდარია, რომ სიცლი, ზოგჯერ, ცრემლზე მწარეა!“

ადიკო. მართლა... თუ სცენამ ესე გავიტაცათ მაშ უთუოდ რაიმე როლი მაინც გეცოდინებათ ზეპირათ... ან ლექსები?..

ფაცია. ლექსები? ო, მე ძალიან მომწონს ახალგაზდა პოეტები. თუ სადმე ხელში ჩავიგდებ ჩვენი გაზეთები ხან აქაურ სამკითხველოში, ხან კნ. ჩიტუნისთან, პირველად მაშინვე ლექსებს ვეცემი ხოლმე.

ადიკო. მე კი უახლოეს პოეტების გარდა, აი ეხლა რომ ჩვენში ფუტურისტებათ მოუწიათლავთ, ვერავის ვერ ვიცნობ. ეგენი კი, ზოგი ჩემი მეგობარია...

ფაცია. მართალია? მაშ მოდი ამიხსენით, რა არის ეგ ფუტურიზმი?..

ადიკო. არა, მაგის ახსნას დავეთხოვოთ და გინდათ ერთ მათგანის ლექსს წაგიკითხავთ...

ფაცია. ოო, ეგ არა სჯობია თქვენს ცუდლუტობას...

ადიკო. კნიაჟნა ფაცია!.. მაგრამ კარგი აღარ ვაგიწყობით. აი ის ლექსი:

„მე სშირად მიყვარს
ეს ქადაქი მრუში და მერაღი,
ატადახებულ ქუჩებს მივუყვები,
ვუცქერ უკბილოთ დადრეჯილ სასალებს
ხარბათ დაეკებ მახინჯ სასაებს.
მკლავებში მახრჩობს მე ვიწრო კვადი,
აფხანანი და ცოდვებით მთვარაღი.

(ამ ლექსის კითხვის დროს კაწის და მანუნას დახარავს შეწვევებზე და გაკვირვებით შესტყვერებს ადიკოს. მხრებს იწვევენ, არაფერა გაეგებათ).

აგადმეფე სასალებს
ათაშანგით პირ დაჭმულ ქუჩებს
აკმევეებს სურნელს
სამიკიტნო ღვინით და ხაშით
გიჟდებსა დამე
არღნას რწვევით ზურნით და ტაშით.

ფაცია. (სიცილს იწვევს) ჰა, ჰა, ჰა!

ადიკო. (ლექსს განაგრძობს).

და ცა ღოტბარა

შავად მორთული, ქურდებს და მკვლელებს
გამოსვლას ურჩევს...*) (შეღებება)

ფაცია. (განაგრძობს სიცილს) ჰა, ჰა!.. არა, ეს მართლა სულ სხვა რამ არის...

კაწია. რაო, რაო? ათაშანგით პირდაჭმულ ქუჩებსო?.. ვეი, ვეი! საოცარია სწორედ... რას არ ვამეგონებთ ეს რუს-ხემწიფე...

9

აგრაფენა და „ფოფოლია“

„ფოფოლია“ (ფაშფაშა ქაღი. დადღილია, ქშენვით შემოდის) უჰ, მოვკვდი, შენ მომიკვ-

*) ლექსი ეკუთვნის ნიკ. ნადირაძეს.

დე, კიბეზე ამოსვლით, გული ამომავჯა...
აგრაფინა. (ნახი ნაკუთიერების ქაღაშვილი, სათნო დიმილით) მართლა, მაღალია ჩვენი კიბე..

ადიკო. (მიეგებება) ოო, ჩვენს ფოფოლიას...

„ფოფ.“ (ეშმაკურის დიმილით) უი, გავისკდა მიწა... ფოფოლია კი არა ახლა ის დამიძახე, შე სარსარაკო, შენ.. (საერთო მისაღმება და სეჯის ჩამოწმევა)

კოწია. („ფოფოლიას“) ნიფადორას ვახლავართ, ნიფადორას... რავე ხარ, ბეჩა.. ცოტა გავატანზე შესქელებულხარ...

„ფოფ.“ უი, გავისკდა მიწა რა ენამყრალი შენ ხარ, შე უბედურო...

პაპ. მამა ევტროპი სად დატოვე, ბატონო?

„ფოფ.“ უიმე, დავტოვე კი არა... იმისმა ნაღველმა არ მომკლა, ბეჩა პაპუნა!..

ყველანი (გარდა აგრაფინასი) როგორ, რავე?

„ფოფ.“ როგორ და აგერ ერთი კვირა დავკარგე მღვდელი... ამ ეკლესიის საქმეზე ვფისკოპოსთან წასული..

კოწია. იმიტომაც შესუქებულხარ. ბეჩა ნიფადორა, დაუსვენებინარ ცოტა.

„ფოფ.“ უი, გავისკდა მიწა.. ის კი არა, ბეჩა, უეზენი ნაჩაღნიკი მოდის თურმე.

კოწია } (ერთად) როგორ თუ მოდის?
პაპ. }

„ფოფ.“ აბა, ეგ არ არი?

აგრაფ. პო, წუხელის ჩვენ მეზობელ სოფელში, კნ. ჩიტუნისთან ჩამოსულა...

პაპ. მერე, შენი ქირიმე, მერე?

აგრაფ. მერე და ახლა სოფელში გვიბარეს, რომ მგონია ჩვენ სოფელშიაც შემოივლისო.

კოწია. იმე! რალა თქმა უნდა... ჩვენს გენერალი რომ არ ნახოს, ის მაინც რავე იქნება...

ადიკო. ეჭვე... ახლა აირია მონასტერი... Событiе!..

აგრაფ. ჩვენი სოფლისთვის событiе იქნება, აბა რა... ამდენი ხანია ამას მეელოდენ აღდგომასავით.

ადიკო. Я никакого участiя не приму въ этихъ торжествахъ...

პაპ. კაი შენი ქირიმე... როგორ გავჩერდით?... სად არი ახლა ი, ჩემი ძმისწული მალხაზი... (გასძახის) კეკელა-ქალო, ჩემო რძალო. (გადის)

აგრაფ. (ადიკოს) როგორ не примешь участiя... თუ აქ ჩამოვიდა მართლა... შენისთანებმა უფრო არ უნდა აუხსნან სოფლის გაქირვება?..

ადიკო. ეეჰ, აბა ახლა დებუტატო დედები სწორეთ... Гражданскiе мотивы, братъ, ეს სხვებისთვის დამილოცია... მე სჯობია ისევე ჩვენ ფოფოლიას გაუარშიყდები.

„ფოფ.“ უი, გავისკდა მიწა... გამიარშიყდები კი არა...

კოწია. (ადიკოს) შენ, ჩემო ბიძია, რავეარი მიეთ-მოეთი ყოფილხარ... ნწ, არა, ძმაო, არა...

ადიკო. კნიაჟნაზე ბრძანებ?... კნიაჟნა ეს შამპანიურია... ცინცხალი, შუშბი... ფოფოლია კი ბულკია, სდობნი...

„ფოფ.“ უი, გავისკდა მიწა...

ფაცია. (სეჯის ჩაქენუს და აგრაფინასკენ გადადის) რაც უნდა ის ილაპარაკოს!

კოწია. (ჯიბეში იჯაგებს მაგიდიდან მანუქუს) მართლა, თუ ჩამოვიდა უეზენი ნაჩაღნიკი რას ვიქეიფებთ?..

„ფოფ.“ (თვალს შეაფლებს მანუქუსს) ეგ რა არი, კნიაზო კოწია?..

ადიკო. (ქალებთან მიდის).

კოწია. ჩემი მადანია, ჩემი, ნიფადორა... აა, დახედე... (უჩვენებს მანუქუსს და თან დაბლა რადსაც ეუბნება).

აგრაფ. ახლა თუ მართლა მოვიდა მახრის უფროსი, ჯერ ამაზე შეექნებათ ლაპარაკი, თუ სადელი სად და ვინ გაუმართოს, მერე, მაინც საწყალი მამაჩემი გამოიქეყება შუაში...

ფაცია. ვინ იცის, აგრაფინა, შეიძლება არც კი მოვადეს ჩვენს სოფელში. არ იცი? ჩვენი სოფელი ღვთისკანაც დავიწყებულია და კაცისგანაც... რამდენჯერ ჩამოსულა კნ. ჩიტუნისთან მაგისტანა სტუმრები, მაგრამ ჩვენს სოფელში გზათაც კი არ გაუარიათ...

ადიკო. (აივნის ხარისხს გადაყურდნობა.)

აგრაფ. არ ვიცი, არ ვიცი... მე ის მაწუხებს, ახლა კაცი არ გამოჩნდება, რომ ჩვე-

ნი სოფლის გაქირვება ყველაფერი კარგათ აუხსნა...

ფაცია. მამა შენი აქ არ არის?

აგრავ. ერთი რომ მართალა აქ არ არის და მეორე რომ იყოს კიდევ, მამასახლისი კაცია, მათი ხელ-ქვეითი, რა შეუძლია გაუბედოს... (ამასობაში კაწიამ რაღაც სახუმარო უთხრა „ფოფოდის“

„ფოფ.“ უი, გავისკდა მიწა...

შალვა დადიანი (გაგრძელება იქნება)

სახალხო თეატრის ისტორია

(მასალები)

(გაგრძელება. იხ. „თ. და ც.“ № 16)

სექციამ წარმოდგენების მართვა ისეუ ავჭაღის აუდიტორიაში დაიწყო, უნივერსიტეტის სახელით. სტენის მოყვარულთაგან თანდა-თან მოკმეტნენ ქ-ნი ანდრეიკაშვილი, თამარ გოგოლაშვილი, თამარ ბაქრაძე, ნინო ბაქრაძე, მართა ჩაგუნავა, სკინაშვილი, ბარათაშვილი. ცაჭა ამირაჯობი, ასათიანი, შალვაშვილი, ნადა ქუშიანიშვილი, ნინო ბაბიკოვი, და ბოლფს ანკარა; კაცთაგან: გიორგი ლესურელი, ალექ. ნეიშანი, არშაკუნი, სერგო პეპანოვი, ალექ. ბაღრაძე, ისაკა ძნელაშვილი, შალიკო ხანელი, ლუბა ლუბა. ხალხი ჩვეულებრივ ბევრი ესწრებოდა.

1908 წელს სექციამ თავის წევრთ მიიწვია ქ-ნი ლუცია ქუთათელაძე, დიმი. ლუბაძე, თეოდ დოლიძე, კოტე შათირაშვილი (რეჟისორათაგან). ბოლფს ელისო ბარბაქაძე, ვასო ლაშქარაშვილი, ალექ. ბაღრაძე და დათიკო ლობჯინაძე.

როდესაც ზუბაღაშვილების სახალხო სახლი დაითავრდა 1909 წ. 4 აპრილს გაიმართა პირველი წარმოდგენა. წარმოდგენეს „რევიზორი“ სახალხო უნივერსიტეტთან არსებულ ქართულ თეატრალურ სექციის“ სახელით.

ასე გათავდა ავჭაღის აუდიტორიის წარმოდგენები. ზუბაღაშვილების სახალხო სახლში გადმოსვლით სექციის წევრებმა და სტენის მოყვარებებმა თავისუფლად ამისუნთქეს

ამოდენა ხნის ნაწვად-ნადატებს ძლივს ელი-

ბსათ ელექტრონით განათებულ სახლში გადმოსვლა. გათავდა სირბილი და ტალახში სიარული; ესლას სიამოვნებით შესტყვიან თავიანთვე დაწვეულებულ საქმეს, და ნეტარებით იგონებენ წარსულს, ამგვარ ნაყოფის გამოდგებისათვის.

გაიმართა შემდეგი წარმოდგენები: „სიძე სიმამრი“ „პირველი და უკანასკნელი კოცნა“; „ქაჩინიანი ტორადა“, „მეზობლები“, „ყაჩაღები“ „მილლევისა და სს.

წარმოდგენები მიდის მწეობრათ, ხალხიც აუარებელი ესწრება და ნასიამოვნები ბრუნდება. ერთი სიტუაციით სექციის საქმე სასტარო მდგომარეობაშია.

გაიარა დრომ და სექციამ ერთ თავის კრებაზე გადასწვიტა რეორგანიზაციის მოხდენა და ამისთვის კომისიაც ამოიჩინეს. კომისიამ შეასრულა თავისი დავალება, მაგრამ სახალხო უნივერსიტეტმა რამდენიმე პირის ზედ გაუყენით

სახლი წევრების სია არ დაამტკიცა და მოინდოა საქმეს უფრო ახლო განხორბოდა. ამ ხანებშივე, სამსონ ტორაშვილიც მიიღო დამტკიცებულ ნებართვა ახალი წრის დასკების შესახებ. სექციამ აღარ დაუტანდა სახალხო უნივერსიტეტს და კქტომბრის 12 კრებაზე რამდენიმე ხმის წინააღმდეგ დადგინა გადაეცეს წრეს მთელი თავისი საკუთრება უკეთუ წრე დაიწებს მოქმედებას. ამ გადაწყვეტილებას წინააღმდეგ უნივერსიტეტის გამგეობა სექციის წევრთ მიემხრო. განაღდა კა-

ზეთებში პოლემიკა და წარმოდგენებიც შეჩერდა. უნივერსიტეტის გამგეობამ სთხოვა საზოგადო კრებაში მყოფადნათ და წრეს მოქმედება ჟერ არ დაეწყო. მაგრამ წრემ უფრინ არ ათხოვა და საქმეს შეუდგა.

ამზადებს წრე პიესას და უშვებს დადატის „ანონსს“ ამავე დროს უნივერსიტეტის ძველი სექციაც ამზადებს პიესას და უშვებს „რამბოტრედის“ აფიშებს. ისე რომ ერთსა და იმავე დღისთვის 2 აფიშა გამოვიდა. საქმე უფრო გამწვავდა. კაზეთები უმტკიცებენ წრის სულის ჩამოღებულებს, რომ მისი არსებობა ინტრიგანობაზე არის აშენებული, მაგრამ უფრინ არ ათხოვენ; ვის ეკუთვნის ზუბაღაშვილების სახალხო სახლი?!.. ეს სადაო კითხვად გადაიქცა და გადასწვიტად გადაეცა დრამატული გამკეობას, რომელსაც მართე გოთუა თავმჯდომარეობდა.

გიორგი ჯაბაური

დროებითი მთავრობის დადგენილების თანახმად გამო-
შვებულია

თ ა ვ ი ს უ ფ ლ ე ბ ი ს ს ე ს ხ ი

1917 წლისა

ამ სესხის ობლიგაციების ღირებულებაა 50, 100, 500, 1000, 5000, 10,000 და 25,000 მან. წლიურად შემოაქვთ 5 პროც., რაიც წელიწადში ორჯელ იძლევა, ერთი 16 მარტს, მეორე 16 ენკენისთვის.

სესხი გამოშვებული იქნება 5 წ. მისი ობლიგაციების გამოცემა მოხდება ყოველ წელს, 1922 წლიდან დაწყებული.

სესხზე ხელის მოწერა დაიწყება 6 აპრ.-დან და გას-
ტანს 31 მაისამდე 1917 წ.

სახელმწიფო ბანკების კანტორებსა და განყოფილებებში,
მუდმივ და საველე ხაზინებში,
სახელმწიფო შემნახველ კასებში,
წვრილი კრედიტის დაწესებულებებში,
კერძო კომერციულ ბანკებში,
ქალაქის საზოგადო ბანკებში და წვრილ საურთიერთო კრედიტის საზოგადოებაში და იმ
საერობო სამმართველოებში, რომელთა შესახებ ცალკე იქნება განცხადება.

ხ ა ლ მ ო ს ა წ ი რ ი ფ ა ს ე ბ ა

85 მან. 100 მან,

რომელთაც დაერთობათ ამ წლის მარტ. 16 პროცენტები.

ობლიგაციის ღირებულობა—ფასი, ერთ დროულად უნდა აქმნეს გადახდილი. იმ კვი-
ტანციების (სანამ ნასყიდი ობლიგაციები ჩაჰბარდება მყიდველს) და აგრეთვე ობლიგაციის
საშუალებით შეიძლება სესხის აღება. ამ შემთხვევაში, კვიტანციები ან ობლიგაციები უნდა
წარედგინოს იმ სახელმწიფო ბანკში და ხაზინაში, სადაც ასეთი ოპერაციები—(სესხი) სწარ-
მოებს, და მიეცემა ობლიგაციის ღირებულობის 75%⁰, წლიური 5%⁰ შეღავათიანი პრო-
ცენტით, რომელიც, ესე იგი, სესხის აღება, განთავისუფლებულ იქმნება ყოველგვარ სახელ-
მწიფო გადასახადებისაგან, რაიც საზოგადოთ შემოღებულია მიმდინარე ანგარიშით და თა-
მასუქით—ვადიან სესხისა.

აღებულ სესხის განაღდება შეიძლება აგრეთვე 5%⁰ სავალდებულო სახელმწიფო ქალა-
დების წარდგენით წლიურ 5%⁰ გამოკლებით.

შეძენილი ობლიგაციები მიიღება შესანახად სახელმწიფო ბანკში და ხაზინაში, უფასოდ:
სამაგიერო დოკუმენტი, რომელიც მიეცემა ობლიგაციის პატრონს საღებრო გადასახადისაგან
განთავისუფლებულია. (8—651—4)

წერილი აგებენ

◆ ქართველ მსახიობთა ყრილობაში მოწვევას აპრილის 30 ფიქრობენ თბილისში. საგანი: ქართველ მსახიობთა საპროფესიო კავშირის დაარსება.

◆ **მ. სპანდარაძე**—სახალხო მოლექსე, შემდგენი „სახალხო ს.ზანდარისა“ და სხვა წიგნების, ვადაიცვალა.

◆ **„ხალხის თავისუფლება“**—საქართველოს სოციალდემოკრატიულ პარტიის (ავტონომისტთა) გაზეთის მე-5-ე ნომერი გამოვიდა. ამ ნომერში მოთავსებულია მეთაური „ავტონომიური საქართველო“ ივ. გომართლის—„ტერიტორიალური ავტონომია და კლასთა ბრძოლა“, წერ. 2, მუშა მ. დევასის—„საუბარი სოფელ მუშასთან“, იოსებ იმედაშვილის—„მშური სიტყვა“, ი. სირაძის—„საქართველოს“ და სხ. ამავე გაზეთის მე-6-ე ნომერი გამოვა დღეს, ამ ნომერში ივ. გომართლის ორი წერილი.—„პასუხი ორ ამხანაგსა“ და „ტერიტორიალური ავტონომია და კლასთა ბრძოლა“, წერილი მ და სხ.

◆ **ისტ. თ. შორდანიას** გარდაცვალებიდან ნახევარი წლის თავი შესრულდა აპრილის 22 დღეს, აპრილის 23, დიდუბის ტაძარში გადახდილ იქნება წირვა-პანაშედი.

◆ **კომ. პ. ზოცხვირაშვილმა** დასწერა სარევოლიუციო საგალობელი.

◆ **ვალ. მუნიას** სადღესასწაულო დილა-საღამო გაიმართება სახემწიფო თეატრში აპრილის 29, შაბათს.

რედაქტორ-გამომცემელი იოსებ იმედაშვილი.

ავლაბრის თეატრი პალასი.

ორშაბათს 24 ახრადს, 1917 წ.

ქართულ სცენის მოყვარეთა მიერ წარმოდგენილი იქნება ქ. რეჟისორისა და ანკარას მონაწილეობით ვალერიან გუნიას ცნობილი ისტორიული დრამა

და-კმა ანუ

სამშობლოს მოდადატე

დრმა 5 მქო. და 6 სურათი

ანტრაქტებში დაუკრავს სამხედრო მუსიკა

რეჟისორი; ა. შრმაზანაფი ადგილების ფასი

ჩვეულობრივია, გამგე; ა. გეგუჭკავი

დასაწყისი საღამოს 8 ნახ. საათზე ანონსი.

შემდგენისაგან მზადებ ყაჩალი არსენა

„თეატრი და ცხოვრება“

ორი პრემიით წლიურად ღირს 8 მ., ნახევარი წლით 4 მ. 50 კ. ხელის მოწერა მიიღება თბილისში „სორაპანის“ სტამბის კანტორაში მადათოვის კუნძ № 1, ფოსტით: Тифлис, ред. „Театри да Цховреба“—

Иос. Имедашвили.

საქართველოს სოციალდემოკრატიულ პარტიის (ავტონომისტთა) გაზეთი

„ხალხის თავისუფლება“

„(ხალხის ერთობის გაგრძელება)“

ივანე გომართლის მასღობელი და მუდმივი მონაწილეობით, ზარტიულ მუშაკთა თანამშრომლობით და იოსებ იმედაშვილის რედაქტორობით. გაზეთი ჯერ ხნობით გამოვა კვირაში ორჯერ: **ორ შაბათობით** და **სულ შაბათობით** გაზეთის მთავარი მიზანია ავტონომისტების გაერთიანება, ერთობის განმტკიცება და საქართველოს ტერიტორიალურ ავტონომიის პოპულიარიზაცია ხალხში.

გაზეთის ფასი: წლის ბოლომდე 5 მან., თითო ნომერი-5 კ. ხელის მოწერა მიიღება: თბილისში „სორაპანის“ სტამბის კანტორაში (მადათოვის კუნძული, № 1) ფოსტით: Тифлис ред. „Халхис Тавისუფლება“—Иос. Имедашвили (мадато. ост. № 1).

რედაქტორ გამომცემელი იოსებ იმედაშვილი

ახალი კლუბი აპრილის 23-30

კვირა—რუსული წარმოდგენა. ბილეთები 50-30 კ.

ორ შაბათი—ოპერეტა. ბილეთები: 1 მ.-50

სამ შაბათი—საოჯახო საღამო

მთხშაბ.—სინემატოგრაფი. სიმებ. ორკ.

ხუთშაბ.—ქართ. წარმ. ბილეთები 50-30 კაპ.

პარასპ.—ოპერეტა. ბილეთები: 1 მ.-30 კ-დე

შაბ.—საოჯახო საღამო

კვირა—რუსული წარმ. ბილეთ. 4-30 კ.

დასაწყისი: კონცერტებისა საღამ. 9 სათ.

წარმოდგენისა და სინემატოგრ. საღ. 8 1/2 სა.

შუშას. ფასი მანდილოსნ. 50 კ. მამაკაც. 1 მ

